

per far provision, che le letere di Veniexia non sarà impedita da Franza in l'andar e ritorno.

348 *A dì 23.* La matina. O fu di conto; *solum* a nona morite sier Nicolò Trivixan, procurator, l'orbo, di anni . . . ; e fu sonato le campane, et ordinato far damatina, *licet* fusse la vezilia di Nadal, gran consejo, justa la parte dil consejo di X, per remover le procure. *Tamen* tutti la deva a sier Antonio Grimani, fo procurator, za anni 16 rimasto, e privato, chome in li analli mei apar. Altri nominava sier Hironimo Donado, el dotor, è orator a presso il summo pontifice, per portarsi ben a tal legatione.

Da poi disnar fo pregadi. Et, leto molte letere,

Fu posto, per li savij, la parte di sier Luca Miani, darli la castelanaria di Quer per cinque rezimenti, *juxta petita*. E fu presa.

Fu posto, per li diti, le decime, numero 9 et 10, dil monte novissimo, si pagi termine zorni 8, con don 17 per 100, poi altri 8, con X per 100, et *etiam* la meza tansa numero 7, *ut in parte*. Presa.

Fu posto, per li diti, che li debitori di mezi fiti, pagando la mità de contadi, siano absolti, et non habino alcun credito a le biave; e, non pagando in certo termine, siano fati debitori, a raxon di ducati 50 per 100 persi, et pagando fin 15 zener. Presa.

Fu posto, per sier Alvise di Prioli e sier Luca Trun, savij a terra ferma, che non possi andar alcuna merchadantia su questa galia sotil, va a Constantinopoli con l'orator nostro, *excepto* panni di seda et zoje *etc.* Parlò contra sier Alvise Capello, savio ai ordeni, dicendo vol meter le galie di Constantinopoli; li rispose sier Lucha Trun. Et li avogadori fe' trovar la parte, che non si pol navegar merchadantie con galie sotil di sorta alcuna. Et cussi non andò la parte.

Fu scritto in corte a li oratori *etc.*

Fu leto uno aviso di Ferara. Di certo parlamento, fato per il ducha al populo, per domino Antonio di Constabelli, e il ducha lacrimava, e li cittadini li mostrono volersi mantener, dicendo: Viva il ducha Alfonxo e la cha' di Este! Ma, partiti, molti pareva non volesse il vasto. *Item*, è poche farine, ma ben formenti, et pochi molini; sollo li a Ferara et Arzenza *etc.* *Item* fo dito, il ducha aver afondate le nostre galie prese li a presso Ferara.

Fu posto, per li savij, che Anna, *relict*a Piero Calager, *olim* habitante a Trieste, qual revellò uno tratado si feva contra sier Francesco Capello, el cavalier, provedador alhora di Trieste, sia dà a Zuan Andrea, so fiol, che 'l sia fante a la ternaria di l'ajo,

in luogo di Vetur Spiron; el qual Zuan Andrea è presom de i nimici. Fu presa.

Fu posto, per li savij, dar a sier Luca Miani, *quondam* sier Anzolo, e fradelli, la castelanaria di Quer, per cinque rezimenti, atento li soi meriti, fo preso da' todeschi castelan a la Scala et ferito *etc.* La qual parte si habi a meter a gran consejo. Ave 70 di no, 117 di sì; fo presa. Et a dì 24 fo posta in gran consejo: ave 435 di no, 1078 de sì.

A dì 24. Vizilia di Nadal. Fu la matina 348* gran consejo, et per far procurator di la chiesa di San Marco, in locho dil Trivixan, era amalato (*sic*); et la eletion fata sarà notada qui di soto. Eramo a consejo, a la balotatiom di 4 nominati, 1561, oltra i cazadi.

Electo procurator di la chiezia di San Marco, loco sier Nicolò Trivixan, a chi Dio perdoni.

— Sier Antonio Grimani, savio dil consejo, <i>quondam</i> sier Marin .	1077. 549
— Sier Hironimo Donado, dotor, è ambador a presso il summo pontifice	951. 641
Sier Alvise di Prioli, fo consier, <i>quondam</i> sier Nicolò	340.1247
Sier Bernardo Bembo, dotor, cavalier, fo podestà a Verona, <i>quondam</i> sier Nicolò	537.1078
Sier Piero Duodo, el savio dil consejo, <i>quondam</i> sier Lucha .	485.1183
— Sier Piero Balbi, fo podestà a Padoa, <i>quondam</i> sier Alvise .	820. 797
Sier Zacaria Contarini, el cavalier, fo capitano a Cremona	489.1024
Sier Pollo Capello, el cavalier, el provedador zeneral in campo .	740. 856
Sier Alvise Malipiero, el consier, <i>quondam</i> sier Jacomo	362.1222
Sier Alvise da Molin, fo podestà a Padoa, <i>quondam</i> sier Nicolò .	561.1055
Sier Alvise Michiel, fo consier, <i>quondam</i> sier Piero, procurator	510.1077
Sier Domenego Beneto, fo consier, <i>quondam</i> sier Piero	303.1317
Sier Anzolo Trivixan, fo capitano a Padoa, <i>quondam</i> sier Polo .	494.1105
Sier Andrea Loredan, fo luogotenente in la Patria di Friul . . .	283.1302